

تورک بوروی



1: 1322, 24, 24, 1: 1

تورک بوروی فائده سنه چالشیر
اونیش کونده بر جیقار

سیاسات

بویوک ملی املا

۱

انسان ایچون هر زمان بکله دیکی برشی ، آرزو ایتدیکی بر حال اولمالیدر . هیچ بر انسان یوقدرکه اونک آرزو ایتدیکی بر حال ، ایستدیکی برشی اولماسون . آروپا لسانلرنده بوک Aspiration [*] دییورلر . اکر ایسته نیلن شی بر نوع مهم و عالی حیثیه مالک ایسه اوکاده ایده آل (Idéal) نامنی ویریورلر . بزم تورک لساننده بوک تماماً مقابل برکله یوقدر ظن ایدرم . مع مافیه (امل) کلهسی ایله ترجمه ایدرسهک بومعنایه یاقلاشمش اولورز . دیمک بزم اصطلاحده امل ، برانسانک وجودنی آرزو ایتدیکی برشی یاخود میدان فعله چیقمسنی ، تحقیقی بکله دیکی بر حال اولویور .

امل کلهسی امید سوزی ایله قاریشدرلمالیلدر . امید ایله امل بر دکلدیر . امل ، آرزو اولونان شی یاخود حال ؛ امید ایسه بوامله وصوله اینانمهدن نشئت ایدن مسرتدر . برتجار ایچون بویوک شهرلرده مغازه صاحبی اولق براملدر . بر مکتب شا کردی ایچون بویوک بر مکتبی اکال ایدرهک دوقتور ، مهندس یاخود آووقات اولق دخی املدر . بر غزته محررینه بر غزته صاحبی اولق ینه براملدر . کندیسنده قوه ادبیه ویا شعریه حس ایدن بر کنج ایچون ادیب یاخود شاعر اولقده براملدر .. الخ .

هر کسک املی کندیسنک اقتدار و حالیه متناسب اولویور ، تعینر دیگرله کندیسنده حس ایتدیکی قوت و قابلیت فطریه ایله متناسب بولونیور . کندی اقتداری فوقنده املا برسلهین انسانلرده وار اینهده بونلر نادر در . اکثر انسانلرده اقتدار ایله املا آره سنده کی مناسبت ثابت قالیور . مثلاً برچوبان اوغلنده آووقات اولق آرزوسی طوغمیور . برتجار قفاسنده واپورلرده قاپودان [*] بولکلهک ایکی معناسی واردر : بری آرزو اولونان شی ، دیگر یوشیته اولان تمایل . بوراده برنجی معنا مقصوددر .

اولق فیکری ظهور ایتمه مشدر . اکثریا انسان هانکی طبقه یه ، هانکی صنفه متسوب ایسه ، املاری ده بو طبقه نك آمال عادیسی دائرة سنده نشو و نما بولویور . کندی صنفنك املاری دائرة سنده دخی انسان کندی قوت و اقتداری درجه سنده بر امل انتخاب اییدیور . بوده دوشونمکه دکل ، جلی بر صورتده اولویور . هر فصل اولورسه اولسون دایما انسانلرک بر املی بولونیور . املسر انسان ، انسان دکلدر . انسانی حیاته ربط ایدن ، حیاتدن لذت آلدیران ، فعالیتیه سوق ایدن هپ بو املدر . دنیاده یاشامق امل صاحبی اولق دیمکدر . املسر اولق ایسه دنیادن ، حیاتدن واز کچمک دیمکدر .

امل بر اولمایوب متعدد اولمی ممکندر . طبیعی بر انسانک متعدد املاری آراسنده بر مناسبت اولمالیدر . بر شخصک امل یاخود آمالی نه قدر ساحه فعلیه چقمقدن اوزاق ایسه بو شخص حیاته اوقدر مربوط بولونیور ، اوقدر حیاتی سویور ، حیاتدن لذت بولویور ، امله دوغرو دخی اوقدر فعالیت کوستریور . دنیاده اک چوقایش کورهن انسانلر ، اک بویوک امل صاحبی اولانلردر ؛ چونکه املسر فعال اولق ممکن دکلدر . فعال اولق ، امل اوله رق تصور اولونان شیلری حقیقت یایمه یه ، میدان فعلیه چیقارمه یه چالیشمق دیمکدر . بر انسانک املاری نه قدر چوق بویوک ، اطرافلی و کندیسی ایچون نه درجه معین ایسه بوانسان اودرجه فعال واونک فعالیتیه ده اودرجه نمره دار اولویور . امل بویوک بر فاعل ترقی و تعالیدر ؛ چونکه امل فعالیتیه و فعالیت ایسه ترقی به سوق ایدر . بویوک طبیعیدر .

۲

املک هر کسده بر اولمادیغنی سویله دم . عالی امللر اولویور ، قبا محدود امللرده بولونیور . بر انسانک امللرینک درجه قیمتی و علویتی او انسانک تربیه سندن ، درجه فکریه سندن و قابلیت فطریه سندن ناشیدر . اکثر احوالده بر چوبانک املی بر چوبان اولق ، بر چوق قویونلری کودمکدر . چوبان ایچون سیله حیاتده بر ایده آل لازمدر . لکن دنیاده آرا صیرا انسانلر آراسندن او یله

ناذر شخصلر ظهور ایدیور که، امللری یا شادقلری محیطک امللرینه هیچ بکزه میور. بوکی انسانلر الهامی بر صورتده فوق العاده امللر بسلیورلر بو بویوک امللری ساحه فعله چیقارمق آرزوسیه محیطی حیرتده براقان بر فعالیتله میدان آتیلورلر. بوکی انسانلرک دماغلرنده بویله بویوک امللرک تولدی سرالهی کی برشیدر. بوامللرک تولدی بر سر اولدینی کی، بر کره امللر ظهور ایتدکن صوکر ا بوامللر یولنده صرف اولونان غیرت و فعالیت دخی خارق العاده اولور. بر بویوک امل صاحبک امله دوغر و آتیماسی غیر قابل توقیف بر حالدر. بوکی انسانلرک امللری کندیلرینه عائد اولیوب بلکه یا شادقلری دائره (قبیله، قوم و ملت) ک حال واستقبالنه عائد اولور. بویله انسانلرده بو بویوک امل طوغدی، اونلر کندیلرینک کوچوک امللریخ اونیورلر؛ بویوک امل، کندیلری ایچون شخصی امل حاله کلیور. بو کی ذوات ایچون کشف ایتدیقلری بویوک امله خدمت ایتک، باشقه بر عادی انسان ایچون شخصی امله خدمت ایتک کی طبیعی اولور. بو بویوک امل صاحبلرینک آمالی بوتون یا شادینی محیطک حاله غلی الخصوص استقبالنه دائر اولدیغدن شهبسز بو امللرک فعله چیقمه سی بوتون دائره سی (قبیله، مملکت یا خود ملت) ایچون مطلوب ایسه ده برنجی حرکتلرنده برطاقم دشمنلره، مخالفلره (Opposition) تصادف ایدیورلر. بودخی عمومی بر حال اولوب سبی ایسه شودر: انسانلرک پک چوغی هیچ شهبسز حیات اجتماعیده سکونت و عطالت طرفداریدر. اجتماعی ترقی آنجق بو کی بویوک امل ایجاد ایدن یا خود کشف اولونان بویوک امللری آکلایه بیلان انسانلر سایه سنده ممکن اولور. بویوک آدمک بویوک املی، یوقاریده سویلدیکم کی، بر قبیله، بر مملکت یا خود بر ملتک حیات اجتماعیسنه، استقبالنه عائد اولور. چونکه بر انسانک کندیسنه عائد اولمسی نه قدر کوچ، فعله چیقارمق نه قدر چتین اولورسه اولسون «بویوک امل» نامنی آلاماز. بر امل بویوک اولمق ایچون انسانک کندیسنه عائد اولیوب منسوب اولدینی دائره عائد اولمیدر. بو دائره بر کوی، بر شهر، بر قبیله، بر مملکت یا خود بر ملت اولایلیر. لکن بوندن صوکر ا یازم خقلرمزده بر ملتک حیاته دائر اولان بویوک امللردن بحث

ايدەجىكم. بناءً عليه شمدى به قدر استعمال ايتديكم « انسانك منسوب اولدينى
دايره » يرينه ملتى كلەسنى قوللانهجىم .

بوتون ملتته عايد بويوك املار كشف ايدن وبو املارى ميدان فعله چيقارمق
ايچون بوتون حياتى فدا ايدن بويوك انسانلر هر عصرده وهر يردە كورولمشدر .
روسىه تاريخنده « لومونوسف » ، « بويوك پترو » ، « ايكنجى قاترينا » ھې
بو قسم بويوك آدملىرىدندىر . چونكى بونلر هر برى كندى محيطنده كى محدود
املاردن دھا يوقارى يوكسەلەر ك قصد ونيت ايتىدىلر وبو املارى ميدان
فعلە چيقارمەيە چالشمەلرى سايەسندە ملتلىرىنك ترقىسەنە باعثە اولدىلر .
فرانسە تاريخنده « دردنجى ھازى » ، « روسسو » ، « نابوليون » ھې بويە
بويوك املار كشف وتشكىل ايدن رجال نادرە دندىلر . عثمانلى تاريخنده سلاطين
عثمانىەدن « سلطان عثمان » ، « فاتح سلطان محمد » ، « كمال بك » ، « مدحت
پاشا » دخى بويوك امل صاحى ، بويوك انسانلردن معدود اولمەيە بحق لايىق
اشخاص نادرە دندىر . ايران تاريخنده « نادر شاه » ، « آقا محمد شاه » ، « فردوسى »
دخى بوكى ذواتدندىر . بومثاللردن بويوك امل صاحى انسانلر ك پك آز اولديغە
ذاھب اولمايلىدر . مثال ايچون براك بويوك ، ھر ملتدن ك پارلاق مثاللر آلدق .
لكن حقيقتدە بوكى انسانلر ھر ملتدە محدود اولمايوب پك چوقدر . ھېسى
نابوليون ، بويوك پترو ، فاتح سلطان محمد ؛ ھېسى روسسو ، لومونوسف اولماز سەدە
ايكنجى ، اوچنجى ، دردنجى درجەدە « بويوك امل » صاحى انسانلر ھر وقت
ھر ملتدە پك چوقدر . ملتلىك ترقىسى آنجى بوكى بويوك امل صاحىلرينك
وجودى سايەسندە ممكىندىر . اكر بر ملتدە بوتون افراد ملت محدود وعادى
املار دايره سندە ياشايەجق اولور سە ، ھېچ كىم سە محيطنك عادى وقباشخصى
املارندن يوقارى يوكسەلەمز سە اومت سكون وتدنىيە ، صوكرا بوسبوتون
انقراض واضمحلالە محكوم دىمكىدر .

— صوكى كلەجك —

مايە بك